

法苑珠林卷第四十三

驅三

唐 西明寺沙門 釋道世撰

輪王篇第四十

此有五部

述意部

會名部

七寶部

頂生部

育王部

述意部第一

蓋聞飛行皇帝統御四洲邊鄙逆命則七寶
威伏十善引化則千子咸隨囊括遐邇獨處
中原發慈父之撫育感赤子之忠臣世居久
遠貪逸彌繁峻極威戎遠思天報於是行轉

輪之猛騰帝釋之宮圖度非分退失輪王之
位懷悲苦切劇同塗炭之殃哀斯痛矣深可
嗟乎

會名部第二

依真諦三藏法師云於成劫時人壽無量歲

於住劫時人壽

莊三

八萬歲時有輪王出世若減

不出輪王有三一軍輪王二財輪王三法輪

王若減八萬財輪王不出世所以然者此王

福德壽命長遠即與壽相違故不出世若減

法輪王出世所以然者如來大悲令諸眾生

知苦無常易可化故出世也故論云劫滅佛
興世劫初轉輪王唯彌勒佛出世時人民福
德二王俱出世也財有四一金輪王則化彼
四天下二銀輪王則政隔北鬱單王三天下
三銅輪王則除北鬱單及西俱耶尼王二天

百五十輻金輪有千輻故仁王經云道種堅
德王乘金輪王四天下性種性王乘銀輪王
三天下習種性王乘銅輪王二天下以上十
善得王乘鐵輪王一天下

七寶部第三

如長阿含經云佛告比丘世間有轉輪聖王
成就七寶有四神德云何成就七寶一金輪
即是阿育王等如來爲法輪王言劫增轉輪
王者此據財輪王也若論軍輪故通劫減鐵
輪有二百五十輻銅輪有五百輻銀輪有七

百五十輻金輪有千輻故仁王經云道種堅
德王乘金輪王四天下性種性王乘銀輪王
三天下習種性王乘銅輪王二天下以上十
善得王乘鐵輪王一天下

以十五日月滿時沐浴香湯上高殿上與女衆共相娛樂天金輪寶忽現在前輪有千輻光色具足天金所成天匠所造非世所有輪徑丈四輪王見已默自念言我曾從先宿諸舊聞如是語若刹利王水澆頭種以十五日月滿時沐浴香湯升法殿上妓女圍遶自然金輪忽現在前輪有千輻光色具足天匠所造非世所有輪徑丈四是則名爲轉輪聖王今此輪現將無是耶我今寧可試此輪寶時王即召四兵向金輪寶偏露右臂右膝着

地以右手摩捫金輪語言汝向東方如法而轉勿違常則輪即東轉時王即將四兵隨其後行輪所住處王即止駕爾時東方諸小王見大王至以金鉢盛銀粟銀鉢盛金粟來詣王所拜首白言善哉大王今此東方土地豐樂多諸珍寶人民熾盛志性仁和慈孝忠順唯願聖王於此治政我等當給使左右承受所治當時輪王語小王言止止諸賢汝等則爲供養我已但當以正法治化勿使偏枉無令國內有非法行身不殺生教人不殺生偷

盜邪姪兩舌惡口妄言綺語貪瞋嫉妬邪見
之人此即名爲我之所治時諸小王聞是語
已即從大王巡行諸國至東海表次行南方
西方北方隨輪所至其諸國王各獻國土亦
如東方諸小王比此闍浮提所有國名曰沃
壤豐樂多出珍寶林水清淨平廣之處輪則
周行封地圖度東西十二由旬南北七由旬
天神於中夜造城郭其城七重七重欄楯七
重羅網七重行樹周帀校飾七寶所成乃至
無數衆鳥相和造此城已金輪於城中圖度

封地東西四由旬南北二由旬天神於中夜
造宮殿七寶所成乃至無數造宮殿已聖王
踴躍而言此金輪寶真爲我瑞我今真爲聖
王是爲輪寶成就云何名爲白象寶還清旦
殿上坐自然象寶忽現在前其毛純白七處
平住力能飛行其首雜色六牙纖膚真金間
填時王見已念言此象賢良即試調習諸能
悉備即乘其上清旦出城周行四海食時已
還時王踴躍此真我瑞是爲象寶云何名爲
紺馬寶成就還清旦殿上坐自然馬寶忽現

在前身紺青色珠駿尾色頭頸如象善能飛行時王見已此馬賢良即試調習諸能悉備即乘其上清旦出城周行四海食時已還時主踊躍而言此真我瑞是爲馬寶成就云何名爲神珠寶成就還清旦殿上坐自然神珠

卷三

忽現在前質色清徹無有瑕穢時王見此神珠妙好若有光明可照宮內時王欲試即召四兵以此寶珠置高幢上於夜冥中賣幢出城其珠光明照一由旬城中人民皆起作務謂爲是晝時王踊躍而言此真我瑞是爲神

珠寶成就云何名爲玉女寶成就時玉女寶忽然出現顏色姿容面貌端正不長不短不麤不細不白不黑不剛不柔冬則身溫夏則身涼舉身毛孔出栴檀香口出優鉢羅華香言語柔軟舉動安詳先起後坐不失儀則時王見已心不暫捨況復親近踊躍而言此真我瑞是爲玉女寶成就云何名爲居士寶成就時居士丈夫忽然自出寶藏財富無量居士宿福眼能微視地中伏藏有主無主皆悉見知其有主者能爲擁護其無主者取給王

用時居士寶往白王言大王有所給無不足
爲憂我自能辦聖王欲試即勑嚴船於水遊
戲告居士曰我須金寶汝速與我居士報曰
大王小待須至岸上王言正爾須寶時居士
寶即於船上長跪以右手內着水中寶瓶隨
出如蟲縁樹彼居士寶亦復如是內之水中
寶緣手出充滿船上而白王言向須寶者爲
須幾許時王語言止止吾無所須向相試耳
聞王語已尋以寶物還沒水中聖王踊躍而
言此真我瑞是爲居士寶成就云何名爲主

兵寶成就時主兵寶忽然出現智謀雄猛英
略獨決即詣王所自言大王有所討伐不足
爲憂我自能辦王欲試兵即集四兵而告之
曰汝今用兵未集者集已集者放未嚴者嚴
已嚴者解未去者去已去者住時主兵寶即
令四兵依如王語王見踊躍而言此真我瑞
是爲轉輪聖王七寶成就謂四神德一長壽
不夭無能及者二身強無患無能及者三顏
容端正無能及者四寶藏盈溢無能及者五
化國人慈育民物如父愛子國民慕王如子

仰父所有珍奇盡以貢王願垂納受在意所
與時王報曰且止諸人吾自有寶汝可自用
王之國土安隱豐樂平正如掌衣食自然不
須營覓唯行十善不爲非法猶如比單不可
具述

又十誦律云有阿耨達池縱廣五十由旬繞
池四邊種種果樹善住象王宮殿住處有八
千象以爲眷屬若轉輪王出於世時八千象
象中最下小者出爲象寶給輪王乘又外大
海內洲有月明山婆羅驥馬王宮殿住處有

八千馬以爲眷屬若輪王出於世時八千馬
中最下小者出爲馬寶給輪王乘

又起世經云此象馬寶於一日中暫受調伏
堪任衆事爲試象馬於其晨朝日初出時乘
此象寶等周迴巡歷徧諸海岸盡大地際既

周徧已是轉輪王還至本宮乃進聚小食

又大樓炭經云轉輪聖王有四種德一者大
富珍寶田宅奴婢等天下無有如王者二者
王最端正姝好顏色無比天下無有如王者
三者王常安隱無有疾病亦無寒熱諸所飲

食食皆安隱四者王常安隱長壽天下無有如王者是爲轉輪聖王四德具足七寶如法又薩遮尼乾子經云佛言大王當知轉輪聖王復有七種名爲輶寶所有功德少前七寶何等爲七一劍寶二皮寶三牀寶四園寶五屋舍寶六衣寶七足所用寶第一劍寶者輪王所用國內若有違王命者彼劍寶即從空飛往諸小王見即降伏拜第二皮寶者此海龍王皮出大海中廣五由旬長十由旬體淨鮮潔光曜白日火燒不焦水漬不爛猛風吹

不能動體含溫涼能却寒熱隨王去處皮寶亦去所有士衆滿十由旬徧覆其上能作別屋不相妨礙第三牀寶者王所用牀立能平正柔軟得所若王入禪即入解脫禪定三昧能滅貪瞋癡女人見王坐寶牀者即皆得離貪瞋癡心第四園寶者入彼園時即得定心若王欲受五欲樂時依王所行善業功德諸天界中所有華果池河戲樂之具自然隱沒現於王前第五屋舍寶者王入彼屋欲見日月星宿所有殊異珍玩伎樂屋中悉聞即離

憂惱一切疲勞於睡眼中極受快樂第六衣
寶者王所有衣無如世間絹布絲縷縱廣丈
章第一柔軟一切塵垢不能點污著彼寶衣
即離寒熱飢渴病憂而水火刀等所不能損

第七足所用寶者所謂鞞等若王著者涉水

不設入火不燒雖復遠行百千由旬不覺疲
極是名輪王七種軟寶是十善中少分習氣
功德非正具足十善業道

又中阿含經云若轉輪王出於世時當知有
此七寶出世如是如來無所著等正覺出於

世時當知亦有七支寶出於世間云何為七
一念覺支寶二擇法覺支寶三精進覺支寶
四喜覺支寶五息覺支寶六定覺支寶七捨
覺支寶

頂生部第四

如賢愚經云佛告比丘過去無量阿僧祇劫
此閻浮提有一大王名瞿薩離典四天下有
八萬四千小國有二萬夫人婦女一萬大臣
時王頂上歛生一炮其形如璽淨潔清徹亦
不疼痛後大如瓠便劈看之得一童子甚為

端正大王已崩頂生爲王七寶具足衣食音樂自然作樂經八萬四千歲時有夜叉踊出殿前高聲唱言東方有國名弗婆提其中豐樂快善無比大王可往王即悅意欲行金輪復轉躡虛而進群臣七寶皆悉隨從既至彼土諸小王等盡來朝賀王於彼國五欲自恣欲升忉利即與群臣蹈虛登上時有五百仙人住在須彌山腹王之象馬戾承下落汗仙人身諸仙相問何緣有此中有智者告衆人言吾聞頂生王欲上三十三天必是象馬失此不淨仙人忿恨便結神呪令頂生王及其人衆悉住不轉王後知之即立誓願若我有福斯諸仙人悉皆當來承王威感五百仙人

可遊之王與群臣及四種兵乘空而上四天遙見甚懷恐怖即令軍衆出外拒之竟不奈何頂生於中優游受樂經十億歲意中復念欲升忉利即與群臣蹈虛登上時有五百仙人住在須彌山腹王之象馬戾承下落汗仙人身諸仙相問何緣有此中有智者告衆人言吾聞頂生王欲上三十三天必是象馬失此不淨仙人忿恨便結神呪令頂生王及其人衆悉住不轉王後知之即立誓願若我有福斯諸仙人悉皆當來承王威感五百仙人

盡到王邊扶輪御馬共至天上未到之頃遙
覩天城名曰快見其色皦白高顯殊特此快
見城有千二百門諸天怖畏悉閉諸門著三
重鐵關頂生兵衆直趣不疑王即取貝吹之
張弓扣彈千二百門一時皆開帝釋尋出與
共相見因請入宮與共分坐天帝人王貌類
一種其初見者不能分別唯以視瞬遲疾知
其異耳王於天上受五欲樂盡三十三天末
後欲害帝釋獨霸爲快惡心已生尋即墮落

領四域三十億歲七日兩寶及在二天而無
狀足故致墮落阿難又問此項生王宿殖何
福而獲大報佛告之曰乃往過去不可計劫
時世有佛號曰弗沙與其徒衆遊化世間時
婆羅門子適欲娶婦手把大豆當用散婦是
其曩世俗之家禮於道值佛心意歡喜即持
此豆奉散於佛四粒入鉢一粒住頂由此因
緣受無極福四粒入鉢王四天下一粒在頂
受樂二天

又項生王故事經云爾時項生適生是念即

於釋提桓因坐處墮閻浮提及四部兵退失
神足舉身皆痛如人欲死時七寶等皆亦命
終爾時大王五處親屬皆悉雲集往頂生所

白頂生曰大王命終後苦備有爾時頂生王
者即我身是當知乃至五欲而無厭足染著
聚集貯欲無厭所謂足者至賢聖道然後乃
足爾時世尊便說偈言

不以錢財業 覺知欲厭足 樂少苦惱多
智者所不爲 設於五欲中 竟不愛樂彼
愛盡便得樂 是三佛弟子 食欲拘利歲

終便入地獄 本欲安所生 命爲苦所切
諸法悉無常 生者必壞敗 生生悉歸盡
彼滅第一樂

爾時尊者阿難聞佛所說歡喜奉行

又起世經云輪王捨命必生天上與三十三
天同處共生命終已後始經七日七寶並皆
隱沒

育王部第五

如雜阿含經云爾時世尊晨朝著衣持鉢共
諸比丘入王舍城乞食時彼世尊光相普照

如千日之焰順邑而行時彼有兩童子一者上姓二者次姓共在沙中嬉戲一名闍耶二名毗閣耶遙見世尊來三十二大人相莊嚴其體時闍耶童子心念我當以麥麩手捧細沙著世尊鉢中時闍耶合掌隨喜而發願言以惠施善功德令得一天下繖蓋王即於此生得供養佛乃至得成無上正覺故世尊發微笑相爾時阿難見世尊微笑即便合掌向佛白言世尊非無因緣而發微笑世尊以何因緣而發微笑爾時世尊告阿難曰我今笑

者其有因緣阿難當知我滅度百年之後此童子於巴連邑統領一方為轉輪王姓孔雀名阿育正法治化又復廣布我舍利當造八萬四千法王之塔安樂無量衆生如偈所說於我滅度後是人當作王孔雀姓名育譬如頂生王於此閻浮提獨王世所尊佛告阿難取此鉢中所施之沙捨著如來經行處令當生彼處阿難受教即取鉢沙捨經彼王當生子名曰頻頭婆羅當治彼國彼復

有子名曰修師摩時彼瞻婆國有一婆羅門女極爲端正令人樂見爲國所珍諸相師輩見彼女相即記彼女當爲王妃又生二子一當領一天下二當出家學道當得聖迹時婆羅門聞彼相師所說歡喜無量即莊嚴女嫁與此王王見其女端正有德即爲夫人前夫人及諸婦女見其夫人來作是念言此女端正國中所珍王棄捨我等乃至目所不視諸女即使學習剃毛師業彼悉學已爲王料理鬚髮料理之時王大歡喜即問彼女汝何所

求欲女啓王言唯願王心愛念我耳如是三啓時王言我是刹利灌頂王汝是剃毛師云何得愛念汝彼女白王言我非是下姓生乃是高婆羅門之女相師語我父云此女應嫁與國王是故來至此耳王言若然者誰令汝習下劣之業女啓王言是舊夫人嫁女今我學此王即勑言自今勿復習下業王即立爲第一夫人王恒與彼自相娛樂仍便懷體月滿生子生時安隱母無憂惱過七日後立字名無憂又復生子名曰離憂無憂者身體羸

禮

以其施沙得相似采父

王不大附搊情所不念又王

欲試二子呼賓伽羅阿時婆羅門言和尚觀

我諸子於我滅後誰當作王婆羅門言將此

諸子出城金殿園館中於彼當觀其相乃至

出往彼園時阿育王母言承王出向金殿園

館中觀諸王子誰當作王汝今云何不去阿

育啓言王既不念我亦復不樂見我母復語

言但往彼所阿育復啓母言今便往去願母

當送飯食母言如是當出城門時逢一大臣

名曰阿鳩羅陀此臣問阿育言王子今至何

所阿育答言聞大王出金殿園館觀諸王子
於我滅後誰當作王今往詣彼王先勑大臣
若阿育來者當使其乘老鈍象又復老人爲
眷屬時阿育乘是老象乃至園館中於諸王
子中地坐時諸王子各下飯食阿育母以瓦
器盛酪飯送與阿育如是諸王子各食飲食
時父王問師言此中誰有王相當紹我位時
彼相師視諸王子見阿育具有王相當得紹
位我若語言王愁不樂即語言我今總記王
報言如師所教師言此中若有乘好乘者是

人當作王時諸王子聞彼所報各念言我乘好乘時阿育言我乘老象我得作王又言此中有第一座者彼當作王諸王子各相謂言我坐第一座阿育言我今坐地是我勝座我當作王又言經三此中上器食者此當作王乃至阿育念言我有勝乘勝座勝食時王觀子相畢便即還宮時阿育母問阿育言誰當作王婆羅門記誰耶阿育答言上乘上座上器上食當作王王子自見當作王老象爲乘以地爲座素器盛食粳米雜酪飯時彼婆羅門知

阿育當作王數修敬其母其母亦重餉婆羅門若子作王者師當一切善得吉利盡形供養時頰頭羅王邊國德叉尸羅反時王語阿育汝將四兵衆伐彼國王子去時都不與兵甲時諸從者白王子言今往伐彼國無有軍仗云何得平阿育言我若爲王善根果報者兵甲自然來應發是語時尋聲地開兵甲從地而出即將四兵往伐彼國時彼諸國人民聞阿育來即平治道路莊飾城郭執持吉瓶之水及種種供養奉迎王子而作是言我等

不反大王及阿育王子然諸臣輩不利我等是故違背聖化即以種種供養王子請入城邑平此國已又使至伐佉沙國時彼二大力士為王平治道路諸天宣令阿育當王此天下汝等勿興逆意彼國王即使降伏如是乃至平此天下至於海際時父王得重疾王語諸臣吾今欲立修師摩為王令阿育往至彼國時諸臣欲令阿育作王以黃物塗阿育體及面手腳已諸臣白王言阿育王子今得重疾諸臣即便莊嚴阿育將至王所今且立此

子為王我等後徐徐當立修師摩為王時王聞此語甚以不喜默然不對時阿育心念口言我應正得王位諸天自然來以水灌我頂素繒繫首時王見此相貌極生愁惱即便命終阿育王如禮法殯父王已即立阿菟樓陀為大臣時修師摩王子聞父崩三育四今立阿育為王心生不忍即集諸兵而來伐阿育阿育王四門中二門安二力士第三門安大臣自守東門時阿菟樓陀作機關木象又作阿育王形像如騎象安置東門外又作無煙火坑

以物覆之脩師摩既來到阿菴樓陀大臣語脩師摩王子欲作王者阿育在東門可往伐之能得此王者自然得作王時彼王子即趣東門即墮火坑便即死亡有一大力士名曰跋陀申陀聞脩師摩終亡歟世將無眷屬於佛法中出家學道得阿羅漢時諸臣輩我等共立阿育爲王故輕慢於王不行君臣之禮王亦自知諸臣輕慢於我時王語諸臣曰汝等可伐華果之樹殖於刺棘諸臣答曰未嘗見聞却除華果而殖刺樹而應除伐刺棘樹

而殖果實乃至二三勑令伐彼亦不從爾時國王忿諸大臣即持利劍殺五百大臣又時王將嫁女眷屬出外園中遊戲見一無憂樹華極敷盛王見此華樹與我同名心懷歡喜王形體醜陋皮膚麤澀諸嫁女輩心不愛王憎惡王故以手毀折無憂華樹王從眠覺見無憂樹華狼藉在地心生忿怒繫諸嫁女以火燒殺王行暴惡故曰暴惡阿育王時阿菴樓陀大臣白言王不應爲是法云何以手自殺人諸臣嫁女王今當立屠殺之人應有可

四五三

十五

殺以付彼人王即宣教立屠殺者彼有一山名曰耆梨中有一織師家織師有一子亦名耆梨凶惡撲打繫縛小男小女及捕水陸之生乃至拒逆父母是故世人傳云凶惡耆梨子時王使語彼汝能爲王斬諸凶不彼答曰一切閻浮提有罪者我能淨除況復此一方時彼使輩還啓王言彼人已得王言覓將來耶諸使呼彼答言小忍先奉辭父母具說上事父母言子不應行是事如是三勑彼生不仁之心即便殺父母已然後乃至諸使問曰

何以經久不速來耶時彼凶惡具說上事以具啓王王即勑彼我所有罪人事應至死汝當知之彼啓王言爲我作舍王爲作舍極爲端嚴唯開一門亦極精嚴於其中間作治罪之法狀如地獄彼凶惡人啓王乞願若人來入此中者不復得出王答言當以與願彼諸徒主往詣寺中聽諸比丘說地獄事時有比丘至誦地獄經有衆生生地獄者以熱鐵鉗鉗開其口以熱鐵丸著其中次融銅灌口復以鐵斧斬截其體次復扭械枷鎖檢繫其

身次復火車鑪炭次復鐵鑊次復灰河次復
刀山劍樹具如天五使經所說彼徒主具聞
比丘說是諸事開其住處所作治罪之法如
彼所說案此法則而治罪人又一商主人海
十年採諸重寶還到本鄉道中值五百群賊
殺於商主商主之子見父死及失寶物狀世
出家遊行諸國次至巴連弗邑過此夜已晨
朝著衣持鉢入城乞食誤入屠殺舍中時彼
比丘遙見舍裏火車鑪炭等治諸衆生如地
獄中尋生恐怖衣毛皆竖便欲出門時凶惡

卷三
十六

十年採諸重寶還到本鄉道中值五百群賊
殺於商主商主之子見父死及失寶物狀世

遇釋師子王 自今不重覩

爾時凶主語比丘曰汝今必死何所憂惱比

丘復以哀言答云乞我少時生命可至一月
彼凶不聽如是日數減止七日彼即聽許時
此比丘知將死不久勇猛精進坐禪息心終

主即往孰彼比丘言入此中者無有得出汝
今此死比丘聞說心生悲毒泣淚滿目凶主
問曰汝云何如小兒啼爾時比丘以偈答曰
我不恐畏死 志願求解脫 所求不成果
是故我啼泣 入身極難得 出家亦復然

不能得道至於七日時王宮內人有事至死

送付凶惡之人令治其罪凶惡將是女人著目中以杵搗之令成碎末時比丘見是事極厭惡此身嗚呼苦哉我不久亦當如是而說

偈言

嗚呼大悲師

演說正妙法

此身如聚沫

於義無有實

向者美女色

今將何所在

生死極可捨

愚人而貪著

係心緣彼處

今當脫鎌木

今度三有苦

畢竟不復生

如是勤方便

專精修佛法

斷除一切結

得成阿羅漢

時彼凶惡人語此比丘期限已盡比丘問曰我不解爾之所說彼凶答曰先期七日今既已滿比丘以偈答曰

我心得解脫

無明大黑闇

斷除諸有蓋

以殺煩惱賊

慧日今已出

鑒察心意識

明了見生死

今者愍人時

隨順諸聖法

我今此身體

任爾之所為

無復有慘惜

爾時彼凶惡主執彼比丘者鐵鎧油中足與

薪火火終不然假使然者或復不熱凶主見

火不然打拍使者而自然火火即猛盛火火

見開鐵鑊蓋見彼比丘鐵鑊中蓮華上坐生
希有心即啓國王王即便嚴駕將無量衆來
看比丘時彼比丘調伏時至即身升虛空猶
如鶴王示種種變化如偈所說

王見是比丘 身昇在虛空 心懷大歡喜
合掌觀彼聖 我今有所白 意中所不解
形體無異人 神通未曾有 爲我分別說
修習何等法 今汝得清淨 爲我廣敷演
令得勝妙法 我了法相已 爲汝作弟子

畢竟無有悔

時彼比丘而作是念我今伏是王多有所尊
攝持佛法當廣分布如來舍利安樂無量衆
生於此閻浮提盡令信三寶以是因緣故自
顯其德時阿育王聞彼比丘所說自於佛所
生大敬信又白比丘言佛未滅度時何所記
說比丘答言佛記大王於我滅後過百歲之
經三
時於巴連弗邑有三億家彼國有王名曰阿
育當王此閻浮提爲轉輪王正法治化又復
宣布我舍利於閻浮提立八萬四千塔佛如

是記大王然大王今造此大地獄殺害無量

民人王應慈念一切衆生施其無畏令得安隱時彼阿育王於佛所極生敬信合掌向比丘作禮我得大罪今向比丘懺悔我之所作甚爲不可願受我懺勿復責我愚人今復歸命時彼比丘度阿育王已乘空而化時王從彼地獄出凶惡白王言王不復得去王曰汝今欲殺我耶彼曰如是王曰誰先入此中答曰我是王曰若然者汝先應取死王即勑人將此凶惡主著作膠舍裏以火燒之又勑壞浴菩提樹時王子復舉四指意在四倍時王

此地獄施衆生無畏

又雜阿含經云阿育王言我今先當供養所覺菩提之樹然後香美飲食施設於僧勅諸臣唱令國界王今捨十萬兩金布施衆僧千
一囊香湯溉灌菩提樹集諸五衆時王子名曰拘那羅在右邊舉二指而不言說意欲二倍供養大衆見之皆盡發笑王亦發笑而語言嗚呼王子乃有增益功德供養王復言我復十九以三十萬兩金供養衆僧復加千甕香湯洗浴菩提樹時王子復舉四指意在四倍時王

瞋恚語諸臣曰誰教王子作是事與我興競
臣啓王言誰敢與王興競然王子聰慧利根
增益功德故作是事耳時王右顧視王子白

上座耶舍曰除我庫藏之物餘一切物閻浮
提夫人嫁女諸臣眷屬及我拘那羅子皆悉
布施賢聖衆僧唱令國界集諸比丘衆而說
偈言

除王庫藏物 夫人及嫁女 臣民一切衆
布施賢聖僧 我身及王子 亦復悉捨與
時王子座及比丘僧以瓊香湯洗浴菩提樹

時菩提樹倍復嚴好增長茂盛以偈頌曰
王浴菩提樹 無上之所覺 樹增於茂盛
柯條葉柔軟

時王及諸群臣生大歡喜時王洗浴菩提樹
已次復供養衆僧時彼上座耶舍語王言大
王今有大比丘僧集當發淳信心供養時王
從上至下自手供養復以三衣并四億萬兩
珍寶觀五部衆願已復以四十億萬兩珍
寶贖取閻浮提宮人嫁女及太子群臣阿育
所作功德無量如是

又雜阿舍經云阿育王問諸比丘言誰於如來法中行大布施諸比丘白言給孤獨長者最行大施王復問曰彼施幾許寶物比丘答曰以億千金王聞是已彼長者尚能捨億千金我今爲王何緣復以億千金施當以億百千金施時王起八萬四千佛塔於彼一塔中復施百千金復作五歲大會會有三百千比丘用三百億金供養於彼衆中第一分是阿羅漢第二分是學人第三分是真實凡夫除私庫藏此闍浮提夫人嫁女太子大臣

施與聖僧四十億金還贖取如是計校用九十六億千金乃至王得病欲以滿億百千金作功德今願不得滿足便就後世時計校前後所施金銀珍寶唯減四億未滿王即辦諸珍寶送與雞雀寺中法益之子名三波提爲太子諸臣等啓太子言大王將終不久今以此珍寶送與寺中今庫藏財寶以竭諸王法以物爲尊太子今宜斷之勿使大王用之時大王自知索諸物不復能得所食金器送與寺中時太子令斷金器勑以銀器王食已復

送寺中又斷銀器給以銅器王亦送寺中又
斷銅器給以瓦器時大王手中有半阿摩勒
果悲淚告諸大臣今誰爲地主時諸臣啓白
大王王爲地主王即說偈答曰

汝等護我心

三 阿摩勒半果

何假虛妄語 我今坐王位

不復得自在

阿摩勒半果

今在於我手

此即是我物 於是得自在

鳴呼尊富貴
可獸可棄捨

如恒河駛流 先領閻浮提

今一旦貧至
一逝而不反 富貴亦復然

逝者不復還

時阿育王呼侍者言汝今憶我恩養汝持此
半阿摩勒果送雞雀寺中作我意禮拜諸比
丘僧足白言阿育王問訊諸大衆我是阿育
王領此閻浮提閻浮提是我所有今者預盡
無有財寶布施衆僧於一切財而不得自在
今唯此半阿摩勒果我得自由此是最後布
施檀波羅蜜哀愍我故納受此施令我得供
養僧福時彼使者受王勅已即持此半果至
雞雀寺中至上座前五體投地作禮長跪合
掌真向上座說前王教時彼上座告諸大衆

誰聞是語而不厭世時彼上座令此半果一切眾僧得其分食即教令研磨著石榴羹中行已衆僧一切皆得周徧時王復問傍臣曰誰是闍浮提王臣答王言大王是也時王從臥起而坐顧望四方合掌作禮念諸佛德心念曰言我今復以此闍浮提施與三寶隨意用之時王以此語盡書紙上而封緘之以齒印印之作是事畢便即就盡爾時太子臣民葬送王已諸臣欲立太子紹王位中有大臣名曰阿菟樓陀語諸臣曰不得立太子爲王

大王在時願滿億百千金作諸功德唯減四億不滿億百千以是之故全捨闍浮提施與三寶欲令滿足今是大地屬於三寶云何而立太子爲五時諸臣聞已即送四億金送與寺中即便立法益之子爲王名三波提頌曰
睿業澄暉宿祐因淨七寶來投聖三千子威併十善御宇四洲歸正無思不愜有意斯盛秉式康衢昆蟲養性八萬增壽四八光瑩鬼神翔衛不言而令樂哉至矣輪三顯聖法苑珠林卷第四十三

音釋

勦	竭戚切	輜	方六切	臍	中切	臍	馬祖冬切
縷	甚也兩舉切	轔	輪轔也	臍	圓直也	臍	馬麗也
瓠	匏故切	華	駁遮切	臍	固直也	臍	馬麗也
繖	蓋簡切	嬖	物履也	臍	切有	臍	教靈吉
也	也切	嬖	亦切	臍	必駕切	臍	衣典切
膠	居肴切	杭	剖匹切	貯	直呂切	臍	擊瓜切
也	也切	杭	古衡切	賈	積也	臍	
膠	黏稻也	不餉	式亮切	過職	也	臍	
也	施初覲也	饋	饋也	瓜	切	臍	
膠	黏也	緘	古衡切				
也	也切						